



Broj: 01/20-02-113/24-1
Sarajevo, 22.01.2024. godine

PREDSTAVNIČKOM DOMU
PARLAMENTA FEDERACIJE BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-01-2024			
Org. jed.	Broj	Priloga	Vrijednost

Dana 22.01.2024. godine održana je 4. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH (u daljem tekstu: Odbor).

Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Molba za sanaciju krova koju su dostavile JU Srednja građevinska škola Mostar i JU Srednja ekonomska i ugostiteljsko – turistička škola Mostar,
2. Predstavka koju je u parlamentarnu proceduru dostavio Igor Troha,
3. Tekuća pitanja.

Na osnovu člana 44. a u vezi sa članom 75. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Uvodno izlaganje dale su direktorice JU Srednje građevinske škole Mostar i JU Srednje ekonomske i ugostiteljske škole Mostar i veoma detaljno upoznale prisutne članove Odbora sa problemima sa kojima se susreću, a jedan od gorućih problema jeste sanacija krova zgrade nekadašnje kasarne Konak u kojoj već 15 godina djeluju ove dvije škole. Nakon uvodnog izlaganja, Odbor je obavio diskusiju tokom koje su prisutni članovi Odbora iznijeli svoje prijedloge, primjedbe i sugestije, te na kraju jenoglasno podržali sljedeće zaključke, a koje upućuju na dužnu pažnju i izjašnjenje



Vladi Federacije BiH i nadležnom Federalnom ministarstvu obrazovanja i nauke kao i Vladi hercegovačko – neretvanskog kantona i nadležnom Kantonalnom ministarstvu obrazovanja, nauke, kulture i sporta, i to:

- 1. Odbor za obrazovanje, nauku, kulturu i sport Predstavničkog doma Parlamenta Federacije BiH podržava Molbu za sanaciju krova koju su dostavile JU Srednja građevinska škola Mostar i JU Srednja ekonomska i ugostiteljsko – turistička škola Mostar.**
- 2. Odbor će proslijediti dostavljenu Molbu Vladi Federacije BiH i Federalnom ministarstvu obrazovanja i nauke kao i Vladi Hercegovačko – neretvanskog kantona i kantonalnom Ministarstvu obrazovanja, nauke, kulture i sporta radi daljeg postupanja i iznalaženja rješenja za ovaj problem u cilju sigurnosti školaraca i prosvjetnih radnika.**

Ad-2.

Predsjednica Odbora Jasmina Bišćević – Tokić je upoznala prisutne članove Odbora sa dostavljenom Predstavkom, a koju je u parlamentarnu proceduru dostavio Igor Troha iz Bihaća radi ukazivanja na koliziju Zakona o penzijsko invalidskom osiguranju u pogledu računanja radnog vijeka za sticanje invalidske penzije.

Nakon uvodnog izlaganja, Odbor je obavio diskusiju, tokom koje su članovi Odbora iznijeli svoje prijedloge i sugestije i na kraju Odbor je jednoglasno donio sljedeće

ZAKLJUČKE

- 1. Odbor za obrazovanje, nauku, kulturu i sport Predstavničkog doma Parlamenta Federacije BiH će proslijediti podnesenu Predstavku nadležnim Federalnim ministarstvima (ministarstvo finansija, ministarstvo pravde i ministarstvo obrazovanja i nauke) na daljnje postupanje i rješavanje ovog problema.**




Ad-3. Tekuća pitanja

Damir Nikšić – zamjenik predsjednice Odbora je zadužen da pripremi Informaciju u saradnji sa Zavodom za zaštitu kulturno – historijskog i prirodnog naslijeđa kojim je to sve Javnim ustanovama od posebnog kulturno – historijskog značaja potrebna restauracija i sanacija u Federaciji BiH.

U skladu sa članom 53. Poslovnika Predstavničkog doma Parlamenta Federacije BiH za izvjestioca je određena Jasmina Bišćević - Tokić, predsjednica Odbora.

PREDSJEDNICA ODBORA


Jasmina Bišćević - Tokić